



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Tertius. Quod modus Transformationis ascendentis, magis sit perfectus, quam modus descendensis.

urn:nbn:de:hbz:466:1-9766

to, & plenè, ibidem misere affici non potest, licet ad septimanas aliquot ducaret; nec ad superiora interim reascenderet. & hæc quotidiana praxi continere, non tam est quæstio; quam ut ordinata, ad instantaneas vicissitudines accommodatione, animique industria, mysticus sua peragat. Ut autem plenius hæc explicentur, consequenter dicimus,

Quod modus Transformationis Ascendentis, magis sit perfectus, quam modus Descendentis.

ARTICULVS TERTIVS.

STATUI Transformationis modi descendens, in quo omnia de Deo eminenter affirmantur; [Theologi a ascensum, qui per negationes fit, anteposuerunt; vt qui animum à sibi cognatis, familiaribusque rebus subducat: & per diuinas omnes notitias, atque perceptiones ambulet à quibus exemptum, secretumq; est id, quod nomen omne, rationemque, ac scientiam superat, ad extremum autem ei illum coniungat, quatenus nos etiam illi coniungi possimus.] vnde [nobilissima b sentio, quam in nostro spiritu sentire, vel experiri possumus, est: quod in Deo per amorem fruituum morimur, & subito in Deum denuò reuertimur, vt ita cum eo per inauisibilem adhæsionem semper permaneamus.] licet ergo fiat relapsus è summo spiritus diuini in infimum spi-

ritus proprij: hoc tamen non est adscribendum alicui imperfectioni; sed maximè perfectioni. quia [illud c est plenius & perfectius lumen, quod datur per modum actus siue passionis, quam illud, quod per modum habitus infunditur: quia ex altitudine huius luminis actualis contingit, vt humana mens illud possidere nō possit per modum habitus.] imò etiam ex altitudine huius luminis actualis profluit summa illa spiritus libertas, qua facillimè eleuatur ad optimum modum operandi huius vitæ: & ita diuinis intendit, vt sciat se ijs intendere, absque imperfecta aliqua coëxistente, & aliò trahente notitia. sicut fit in visione patriæ: vbi nulla opus est vel negatione, vel abstractione; sed liberè, & perfectè, & vitam æternam habet, & scit se eam habere. hoc autem in hac vita fit tantò perfectius, quanto amplius, ab inferioribus ad medias, & à medijs ad superiores regiones, seu mentales situs ascenditur; & quanto relapsus à spiritu diuino in spiritum proprium, & subtilior, magisq; sui ipsius auersionem, nuditatem, & soleitatem penetrans factus fuerit.

Hæc porrò auersio, nuditas, vel soleitas, nō ita accipienda est, quasi actualē fruitionem spiritus impedire valeat, sed quod tam subtiliter liberè, & ab omnibus soluto spiritu diuinis vniatur, vt quidquid habitæ puritati spiritus minus est, quodammodo sordescere, atque impertinentiæ sua mole quodammodo suppressere, videatur. Vnde

III. etiam

a S. Dion. de diu. nom. c. 13. b Harph. l. 3. p. 3. c. 17. c S. Thom. de Verit. q. 12. a. 1. ad 7.

etiam pro nihilo dicit, an aliquid viribus inferioribus influat, an non. atque tuin [pallio & inferior non impedit gaudium, & fruitionem superiorum;] sed illam sentiens tranquillè tolerat, velut frigus aliquod, calorem, famem, vel simili. Ut autem hæc in praxi sunt, admodum subtili distinctione in intimo spiritu opus est; & hoc ipsum quidem necessitate quadam. quia [quanto magis b crescit ascensio, tanto magis crescit cognitio,] & consequenter amoris intensio; ab ea autem ad contrarium, scilicet propriæ soleitatis gustum, vinacior relapsio, vt habetur c supra, ubi etiam latius ostensum est, quomodo diuinorum praestans animus, ab infimis per medias, usque ad summas spiritus regiones reascendat, vt iterum perfectius descendat, ac in amore cœlesti continuo magis proficiat; quod ut evidentius sit, hic consequentes dicitur,

Quod vicissitudo Descendentis, & Ascendentis Transformationis in hac vita sit sufficiens, ad maiorem radicationem in charitate.

ARTICVLVS QVARTVS.

CVm [charitas possit augeri d tota hominis vita,] nemini presumendum est, quod totum, e quod querit inuenierit, ne desinat propinquare, qui

cessat accedere.] vnde licet [perspicax ille contemplationis radius, semper ex admirationis magnitudine iuxta aliquid suspendatur; non tamen uno modo semper, nec uniformiter id agitur; nam vivacitas illa intelligentie in contemplatis animo mira agilitate modo it, atque redit, modo se quasi in gyrum flectit, modo autem se quasi ad unum colligit, & quasi immobiler figit.] ita ut [una quædam vis simplex, que per se ad temperationem quandam coniungentem a bono usque ad extremum eorum quæ sunt, mouet, & impellit: g etiam ab ipso rursus ordine per omnia ad bonum esse, per se, & a se in orbem reflectatur, semperq; ad seipsum eodem modo revolutionatur.] & cum [Dei caritas b non solum emanat, sed etiam trahit intrò in unitatem.] emanat quidem per descensum Transformationis, quando Deum ut primum principium vitali visu, & fruitione semper in le præexistere habet, & Deum eminenter omnia esse affirmat; intrò autem trahit, quando per ascensum omnia de Deo eminenter negando; continuo penitus Deum, (ut terminum ad Quem tendit) intimius attingit.

Sicut ergo [non subest potestati libertatis arbitrij etiam per gratiam reparati, ut se immobiler in bono statuat.] ita etiam in gratia mystica Transformationis, quæ per donum supernaturalis sa-

a S. Thom. 3. p. quæst. 46. a. 8. b S. Thom. in c. 10. de Cœl. hier. §. vel fortè. & c. 7. §. non ergo. S. Bonav. 3. itin. atern. d 4. a. 1. ex Hug. c in praxi paraph. 13. 14. & 15. d S. Thom. 2. 2. quæst. 24. a. 4. c. e Leo serm. 11. de Pass. Dom. f Richard. l. 1. de Cont. c. 5. g S. Dionys. de diuin. nom. c. 4. h Rusbroch. in l. Apolog. c. 13. i S. Thom. 2. 2. quæst. 138. art. 4.